

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савет

R J E Š E N J E

**po Prijavi namjere koncentracije privrednog subjekta Asseco Adria S.A. Poljska i
privrednog subjekta Pexim d.o.o. Beograd**

Sarajevo
Maj, 2008. godine



Broj: 01-03-26-049-13-II/07
Sarajevo, 13.05.2008. godine

Na osnovu člana 25. stav (1) tačka e), člana 42. stav (1) tačka d) i člana 43. stav(2), a u skladu s čl. 12., 14., 16., 17. i 18. Zakona o konkurenciji («Službeni glasnik BiH», br. 48/05 i 76/07), a po Prijavi namjere koncentracije privrednog subjekta Asseco Adria S.A., Armii Krajowej 80, 35-307 Rzeszow, Republika Poljska, i Društva za trgovinu, konsalting i informacioni inženjering Pexim d.o.o. Beograd, Goce Delčeva 44, Republika Srbija, podnesenoj po advokatu Branku Mariću, Zajednička advokatska kancelarija, Mehmeda Spahe 26, 71000 Sarajevo, zaprimljenoj dana 27.12.2007. godine pod brojem: 01-03-26-049-II/07, Konkurencijsko vijeće, na 66. sjednici održanoj dana 13. 05. 2008. godine, je donijelo

R J E Š E N J E

1. Ocjenjuje se dopuštenom koncentracija na tržištu prodaje računara i druge opreme za obradu podataka na cijelom području Bosne i Hercegovine, koja će nastati kupovinom većine dionica u Društvu za trgovinu, konsalting i informacioni inženjering Pexim d.o.o. Beograd, Goce Delčeva 44, Republika Srbija od strane privrednog subjekta Asseco Adria S.A., Armii Krajowej 80, 35-307 Rzeszow, Republika Poljska.
2. Ovo Rješenje o koncentraciji se upisuje u Registar koncentracija.
3. Ovo Rješenje je konačno i bit će objavljeno u «Službenom glasniku BiH», službenim glasilima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće je zaprimilo, dana 27.12.2007. godine pod brojem 01-03-26-049-II/07, Prijavu namjere koncentracije (u daljem tekstu: Prijava), u smislu člana 16. stav (1) Zakona o konkurenciji, privrednog subjekta Asseco Adria S.A., Armii Krajowej 80, 35-307 Rzeszow, Republika Poljska (u daljem tekstu: Asseco Adria ili Podnosilac prijave) i Društva za trgovinu, konsalting i informacioni inženjering Pexim d.o.o. Beograd, Goce Delčeva 44, Republika Srbija (u daljem tekstu: Pexim Beograd), podnesenu po advokatu Branku Mariću, Zajednička advokatska kancelarija, Mehmeda Spahe 26, 71000 Sarajevo (punomoć od 19.12.2007. godine broj: 7402/2007 izdata od privrednog subjekta asseco Adria).

Podnosilac prijave je dopunio Prijavu podneskom broj: 01-03-26-049-1-II/07 od dana 03.01.2008. godine i broj: 01-03-26-049-2-II/07 od dana 14.01.2008. godine.

Konkurencijsko vijeće uvidom u dostavljenu Prijavu utvrdilo je istu nekompletnom, u smislu člana 30. Zakona o konkurenciji (u daljem tekstu: Zakon) i čl. 8., 9. i 10. Odluke o načinu

podnošenja prijave i kriterijumima za ocjenu koncentracija privrednih subjekata («Službeni glasnik BiH», broj 95/06), te u skladu sa članom 31. Zakona zatražilo dopunu iste (akt broj: 01-03-26-049-3-II/07 od dana 08.02.2008. godine i dopisom broj: 01-03-26-049-8-II/07 od dana 21.03.2008.godine).

Podnosilac prijave u skladu sa zahtjevima Konkurencijskog vijeća je dopunio Prijavu nedostajućom dokumentacijom (podnesak broj: 01-03-26-049-4-II/07 od dana 14.02.2008. godine; 01-03-26-049-5-II/07 od dana 06.03.2008. godine; broj: 01-03-26-049-6-II/07 od dana 07.03.2008. godine; broj: 01-03-26-049-7-II/07 od dana 20.03.2008. godine i broj: 01-03-26-049-9-II/07 dana 04.04.2008. godine).

Prijemom tražene dokumentacije Konkurencijsko vijeće je utvrdilo Prijavu kompletnom i izdalo Potvrdu o prijemu kompletne i uredne Prijave, u skladu sa članom 30. stav (3) Zakona, dana 09.04.2008. godine broj: 01-03-26-049-11-II/07.

Podnosilac prijave je naveo, u smislu člana 30. stav (2) Zakona, da je podnio zahtjev za ocjenu koncentracije Komisiji za zaštitu konkurencije Republike Srbije i Antimonoploskoj komisiji Republike Crne Gore. Komisija za zaštitu konkurencije Republike Srbije je odobrila ovu koncentraciju (Rješenje broj: 6/0-02-518/07-3 od 11.12.2007. godine).

Konkurencijsko vijeće u postupku ocjene predmetne koncentracije je utvrdilo slijedeće činjenice:

Prijava je podnesena u predviđenom vremenskom roku, u smislu člana 16. stav (1) Zakona.

1. Učesnici koncentracije

Učesnici koncentracije su privredni subjekt Asseco Adria S.A., Armii Krajowej 80, 35-307 Rzeszow, Republika Poljska, i privredni subjekt Pexim d.o.o. Beograd, Goce Delčeva 44, Republika Srbija.

1.1. Privredni subjekt Asseco Adria S.A.

Privredni subjekt Asseco Adria S.A., Armii Krajowej 80, 35-307 Rzeszow, Republika Poljska je je osnovan i upisan u Državni sudski registar – Okružni sud u Varšavi (matični broj: 180248803), dana 11.07.2007. godine pod brojem 0000284571.

Osnovne registrovane djelatnosti privrednog subjekta Asseco Adria su proizvodnja računara i ostalih uređaja za prijenos podataka i transformaciju informacija, konsalting u oblasti računarske opreme, programiranje i razvoj informacionih tehnologija.

Privredni subjekt Asseco Poland S.A, Armii Krajowej 80, 35-307 Rzeszow, Republika Poljska (u daljem tekstu: Asseco Poland), je osnovan i upisan u Državni sudski registar – Okružni sud u Varšavi (matični broj: 0103334578), dana 20.08.2001. godine pod brojem 0000033391. Privredni subjekt Asseco Poland posjeduje 93,0% vlasničkog udjela u privrednom subjektu Asseco Adria.

Osnovna registrovana djelatnost privrednog subjekta Asseco Poland je proizvodnja računara i ostalih uređaja za prijenos podataka, prodaja (isključivo trgovina na veliko) računara i druge opreme za obradu podataka, programiranje i razvoj informacionih tehnologija.

Prema podacima iz Prijave privredni subjekat Asseco Adria nema povezanih privrednih subjekata niti je direktni ili indirektni vlasnik dionica (10,0% i više) bilo kojeg privrednog subjekta u Bosni i Hercegovini.

1.2. Društvo za trgovinu, konsalting i informacioni inženjering Pexim d.o.o. Beograd

Društvo za trgovinu, konsalting i informacioni inženjering Pexim d.o.o. Beograd, Goce Delčeva 44, Republika Srbija, osnovano je dana 20.03.1990. godine i upisano u sudski registar privrednih subjekata Trgovačkog suda u Beogradu pod brojem: 1-8201-00 (matični broj: 07432461) i pod brojem: BD 14724 u registru Agencije za privredne registre Republike Srbije, sa kapitalom na dan 04.10.2006. godine od ¹(..)** KM (..)** EUR).

Fizičko lice Mihail Petreski, državljanin Republike Makedonije (..)**, vlasnik je 84,0% dionica privrednog subjekta Pexim Beograd, dok je privredni subjekat I4-Invention vlasnik 16,0% dionica.

Privredni subjekat I4-Invention d.o.o. Beograd, Bulevar Avnoji-a 83, Republika Srbija (u daljem tekstu: I4-Invention), je osnovan i upisan u registar privrednih subjekata Agencije za privredne registre Republike Srbije pod brojem: BD.N.56315/2007 dana 16.07.2007. godine (matični broj: 20309598) sa kapitalom od (..)** KM (..)** EUR) na dan 12.09.2007. godine.

Osnovne registrovane djelatnosti privrednog subjekta I4-Invention su konsalting i menadžment poslovi. Prema podacima iz Prijave privredni subjekat I4-Invention nema povezanih privrednih subjekata niti je direktni ili indirektni vlasnik dionica (10,0% i više) bilo kojeg privrednog subjekta u Bosni i Hercegovini.

Osnovna djelatnost privrednog subjekta Pexim Beograd je proizvodnja i prodaja (isključivo trgovina na veliko) računara i druge opreme za obradu podataka.

Privredni subjekat Pexim Beograd ima većinske vlasničke udjele u sljedećim privrednim subjektima:

Tabela 1.

Rb.	Naziv privrednog subjekta	Mjesto /država	Vlasnički udjeli %
01.	EMS	Beograd-Republika Srbija	(..)**
02.	CMC	Kragujevac-Republika Srbija	(..)**
03.	Pexim Banja Luka	Banja Luka-Bosna i Hercegovina	(..)**
04.	Pexim Doel	Skopje-Republika Makedonija	(..)**
05.	E-Mon	Podgorica-Republika Crna Gora	(..)**
06.	Pexim Solutions	Sofija-Republika Bugarska	(..)**

Izvor: Podaci iz Prijave

1.2.1. Povezani privredni subjekti učesnika koncentracije u Bosni i Hercegovini

Privredni subjekat Pexim Beograd (Tabela 1) u Bosni i Hercegovini je 100,0% vlasnik privrednog subjekta Pexim Solutions d.o.o. Banja Luka, Kralja Alfonsa XIII 14/1, 78000 Banja Luka (u daljem tekstu: Pexim Banja Luka).

Privredni subjekat Pexim Banja Luka je osnovan i upisan u sudski registar kod Osnovnog suda u Banja Luci pod brojem: 1-15758-00 dana 28.11.2006. godine.

¹(..)** podaci predstavljaju poslovnu tajnu

Osnovna djelatnost privrednog subjekta Pexim Banja Luka je trgovina na veliko računarima i opremom za obradu podataka, izrada kompjuterskih programa te usluge izrade softverskih rješenja.

2. Ukupan godišnji prihod učesnika predmetne koncentracije

U smislu odredbe člana 14. stav (1) tačka a) Zakona, obaveza prijave namjere koncentracije privrednih subjekata postoji ako ostvareni ukupni godišnji prihod učesnika koncentracije, ostvaren prodajom roba i/ili usluga na svjetskom tržištu, iznosi preko 100.000.000,00 KM, po završnom računu u godini koja je prethodila predmetnoj koncentraciji i ako je najmanje jedan od učesnika koncentracije registrovan na teritoriju Bosne i Hercegovine.

Ukupni ostvareni godišnji prihodi učesnika koncentracije na svjetskom nivou u 2006. godini iznose:

Tabela 2.

Rb.	Naziv privrednog subjekta	Ukupan prihod (KM)
01.	Asseco Adria	² (..)**
02.	Asseco Poland	(..)**
03.	I4 – Invention Beograd	(..)**
04.	Pexim Beograd	(..)**
05.	Pexim Banja Luka	(..)**

Izvor: Podaci iz Prijave

Privredni subjekt Asseco Adria (osnovan dana 11.07.2007. godine), privredni subjekt I4-Invention, (osnovan dana 16.07.2007. godine) i privredni subjekt Pexim Banja Luka (osnovan 28.11.2006. godine) nemaju ostvaren prihod za 2006. godinu.

Ukupan zajednički godišnji prihod privrednih subjekata učesnika predmetne koncentracije (Tabela 2.) iznosi preko 100.000.000,00 KM odnosno privredni subjekt Asseco Poland Poljska je ostvario (..)**KM dok je privredni subjekt Pexim Beograd ostvario (..)**KM, po završnom računu u godini koja je prethodila predmetnoj koncentraciji.

Ukupan godišnji prihod učesnika koncentracije (Tabela 1.) predstavlja prihod (bez poreza na dodanu vrijednost i drugih poreza) koji se direktno odnosi na učesnike koncentracije, na svjetskom i na tržištu Bosne i Hercegovine, u smislu člana 8. tačka h) predmetne Odluke.

Na osnovu navedenih podataka privredni subjekti učesnici koncentracije su obavezni podnijeti Prijavu budući da su ispunili, u smislu člana 14. stav (1) tačka a) Zakona, uslov zajedničkog ukupnog godišnjeg prihoda (Tabela 2.) i da najmanje jedan privredni subjekt učesnik koncentracije je registrovan na teritoriji Bosne i Hercegovine.

3. Pravni osnov i oblik koncentracije

Pravni osnov predmetne koncentracije je Ugovor o kupoprodaji udjela (u daljem tekstu: Ugovor) za prodaju i kupovinu 60,0% dioničkog kapitala u Društvu za trgovinu, konsalting i informacioni inženjering Pexim d.o.o. Beograd, Goce Delčeva 44, zaključen dana 18.12.2007. godine između g-dina Mihaila Petreskog (u svojstvu prodavca), privrednog društva I4 Invention d.o.o. Beograd (u svojstvu prodavca), privrednog subjekta Asseco Adria S.A. (u svojstvu kupca) i privrednog subjekta Assecco Poland S.A. (u svojstvu garanta).

²(..)** podaci predstavljaju poslovnu tajnu

Ovim Ugovorom privredni subjekat Asseco Adria kupuje 60,0% udjela u privrednom subjektu Pexim d.o.o. Beograd i to 5,0% udjela od privrednog subjekta I4-Invention d.o.o. Beograd, a 55,0% udjela od g-dina Mihaila Petreskog, te postaje većinski vlasnik i stiče kontrolu nad privrednom subjektom Pexim Beograd.

Predmetnim Ugovorom privredni subjekt I4 Invention zadržava 11,0% vlasničkog udjela u privrednom subjektu Pexim Beograd, dok g-din Mihail Petreski zadržava vlasnički udio od 29,0%.

Pravni oblik predmetne koncentracije je sticanje kontrole jednog privrednog subjekta (Asseco Adria) nad drugim (Pexim Beograd), kupovinom većine dionica, u skladu sa članom 12. stav (1) tačka (c) Zakona.

4. Analiza relevantnog tržišta predmetne koncentracije

Relevantno tržište, u smislu člana 3. Zakona, te čl. 4., 5. i 6. Odluke o utvrđivanju relevantnog tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Relevantno tržište proizvoda u predmetnoj koncentraciji čini tržište prodaje računara i druge opreme za obradu podataka.

Budući da su učesnici koncentracije indirektno preko subsidijarnog privrednog subjekta prisutni na tržištu Bosne i Hercegovine, relevantno geografsko tržište je područje cijele Bosne i Hercegovine.

Slijedom navedenog relevantno tržište predmetne koncentracije je tržište prodaje računara i druge opreme za obradu podataka na cijelom području Bosne i Hercegovine.

Tržišni udjeli učesnika koncentracije i glavnih konkurenata na relevantnom tržištu, na dan 31. decembra 2006. godine, su:

Tabela3.

Rb.	Naziv privrednog subjekta	Tržišni udjeli %
01.	Lanaco Banja Luka	12,0
02.	BBS Sarajevo	10,0
03.	Logosoft Sarajevo	10,0
04.	Ping Sarajevo	8,0
05.	IT Cimputers Gračanica	2,0
06.	DNC Sarajevo	2,0
07.	m-san grupa Sarajevo	2,0
08.	S&T Sarajevo	1,0
09.	Aneks Banja Luka	1,0
10.	Ostali	52,0
Ukupno		100,0

Izvor: Podaci iz Prijave

Prema podacima o tržišnim udjelima učesnika koncentracije i njihovih konkurenata na relevantnom tržištu (Tabela 3.) postoji jaka konkurencija, budući da djeluje veliki broj privrednih subjekata sa relativno malim tržišnim udjelom. Najveći tržišni udjel ima privredni subjekt

Lamaco Banja Luka sa 12,0%, te privredni subject BBS Sarajevo i privredni subject Logosoft Sarajevo sa 10,0% tržišnog udjela.

Privredni subjekt Pexim Banja Luka ima neznatan tržišni udjel u 2006. godini na relevantnom tržištu, budući da je osnovan dana 28.11.2006. godine.

5. Ocjena predmetne koncentracije

Konkurencijsko vijeće analizom podataka, u smislu kriterija člana 17. Zakona (posebno strukture relevantnog tržišta, tržišnih udjela učesnika koncentracije i konkurenata) je utvrdilo da predmetna koncentracija ne sprječava, ograničava niti narušava tržišnu konkurenciju na relevantnom tržištu prodaje računara i druge opreme za obradu podataka na cijelom području Bosne i Hercegovine.

Uzimajući u obzir sve iznesene činjenice i podatke koji su prethodili donošenju odluke, Konkurencijsko vijeće je ocijenilo predmetnu koncentraciju dopuštenom, u smislu člana 18. stav (2) tačka a) Zakona, kao što je odlučeno u dispozitivu ovog Rješenja.

6. Administrativna taksa

Podnosilac Prijave na ovo Rješenje, u skladu sa članom 2. stav (1) tarifni broj 107. tačka d) 1) Odluke o administrativnim taksama u vezi s procesnim radnjama pred Konkurencijskim vijećem («Službeni glasnik BiH», broj 30/06) je dužan platiti administrativnu taksu u ukupnom iznosu od 2.500,00 KM u korist Budžeta institucija Bosne i Hercegovine.

7. Pouka o pravnom lijeku

Protiv ovoga Rješenja nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovoga Rješenja.

Predsjednik

Ibrica Lakišić